



兵部則例

職方清吏司

職制一

一武進士錄用順治三年定一甲一名授叅將
二名授遊擊三名授都司二甲均授守備三甲
均授署守備○十二年議準一甲一名起合計
百名止選授營職其餘選授衛職○康熙十一
年議準一甲一名授叅將管叅將事二名授遊
擊管遊擊事三名授署遊擊管都司事二甲均
授守備管守備事三甲均授署守備管守備事



自一甲一名起前一半選授營職後一半選授衛職○二十九年議準新中武進士由部請

旨交領侍衛內大臣引

見選拔侍衛○四十八年議準直省見任千把總年滿千總中武進士者別立班次以營衛守備推用○五十一年奉

旨考取武進士除選授侍衛外其餘補叅將遊擊守備等官皆有整飭營伍之職未登仕前不知事宜仕後安有裨益今歲武進士勿令回籍分發八旗交與護軍統領學習騎射教以儀度如遇隨圍給與馬匹錢

糧每進士一名月給銀三兩有患病告假丁憂終養等事照例給假其才力不及者教習官題叅斥革優長者不拘科分名次即行補用平常者三年滿日注冊悉令歸籍候選○雍正元年奉

旨武進士停止分發八旗教習○五年奉

旨一甲一名授爲一等待衛二名三名授爲二等待衛二甲簡選十名授爲三等待衛三甲簡選十六名授爲藍翎侍衛嗣後永爲定例○又奉

旨前科武進士大半授爲侍衛餘皆得挨次選用今科武進士朕恐其多選侍衛轉不能盡心學習所以簡

選侍衛者甚少。但伊等一時未得錄用。置之閑散。殊爲可惜。今特廣爲加恩。將未選侍衛之滿洲蒙古進士。授爲藍翎侍衛。交與領侍衛內大臣。令其効力行。走漢軍進士。交與該旗以驍騎校補用。其餘有人材可用者。分發各省。賞食千總俸。著該督撫提鎮試看。如果効力勤謹。人材可觀者。著以守備題補。○六年議準。在部投供武進士。由部奏請。

欽點大臣會同本部秉公簡選。將弓馬嫻熟。人材可觀者。以營守備注冊。平常者。以衛守備注冊。各照科分名次推用。如弓馬生疎。人材不及。令回

籍。勤加學習。果學習有成。再赴部聽候簡選。其未經投供之武進士。陸續到部。由部酌量人數。多寡。或一年二次。或一年一次。奏請會同簡選。嗣後武進士。每科恭候。

欽選侍衛之後。奏請會同簡選。均以營衛分別注冊。選用。○乾隆元年議準。到部之武進士。奏請欽點大臣簡選。分爲三等。一等二等者。以營守備用。三等以衛守備用。如弓馬生疎。令其回籍學習。嫻熟。遇簡選之時。準再簡選。其從前簡選以衛守備用之武進士。再行考試。亦定爲一二三等。

分別營衛守備。按從前簡選年月。科分名次。推用。如有較前弓馬生疎者。仍令回籍。學習嫻熟。再赴部考試。一體簡選。○五年奉

旨。各省營兵鄉試中武舉者。仍準食馬兵糧。隨營差操。遇有千把員闕。與營兵一體較拔。此見行之例也。至己中武進士者。除選授侍衛外。餘皆離營候選。開除名糧。此雖優待武進士之意。但恐開糧之後。衣食匱乏。且離營日久。漸疎技藝。應酌量變通辦理。嗣後營兵中武進士。有情願回營効力者。準仍食馬兵糧。隨營差操。遇有署事處。一體酌量委

署學習。○八年奏準。注冊營用之漢武進士。有情願隨營學習者。在部具呈考驗。分發有題闕之省分學習試用。在籍者於督撫衙門具呈考驗。咨發有題闕之鄰省學習試用。該督撫收入標下。給與額內馬兵糧。報部注冊。定以五年為滿。果弓馬嫻熟。諳練營伍。遇有守備應題補者。察其人地相宜。即行題補。如學習未滿五年。已屆銓選之期。仍照原班挨次銓選。其弓馬次等者。該督撫造冊送部銓選。倘弓馬庸劣。怠惰廢弛。令回本籍。報部注冊。毋庸銓選。至漢軍武進士。

有情願隨標學習者分發巡捕營直隸馬蘭鎮
泰寧鎮學習其給與馬兵糧及分別優劣錄用
均照漢武進士之例行○十五年奏準簡選三
等以衛守備用之武進士及充補提塘之三等
武進士再加簡選分別等次一二等者以營用
三等者仍以衛用如復行考驗有較前弓馬生
疎者均令回籍學習嫻熟再赴部考驗
一武舉錄用雍正七年議準武舉會試落第具
呈願隨營差操者由部咨回本省分發各標協
營効力該督撫提鎮等給與經制馬兵糧與外

委千把一體差操如偷安規避咨部除糧內有
已經簡選衛所千總年分已深選期將近者行
文該省給咨赴部仍歸本班選用年分較淺選
期尚遠者効力三年期滿如果材技優嫻曉習
營伍該督撫提鎮等保送到部考驗分發鄰近
省分以營千總拔補分發之後將簡選注銷不
得復歸本班銓選至未經簡選者効力三年期
滿如果材技優嫻曉習營伍該督撫提鎮等保
送到部考驗分發鄰近省分以把總拔補此等
應拔千把之武舉到標後與營中應拔千把者

秉公較量一體簡拔若係由營兵中式之武舉
在本省隨營差操者保送到部後仍發回本省
止迴避本營其餘各營準其拔補○乾隆十八
年覆準武舉會試不中具呈分發隨營差操者
向未定以額數今酌定直隸陝甘各分發三十
名山西江南福建各分發二十名河南浙江湖
廣四川雲南各分發十五名山東江西廣東廣
西貴州各分發十名均令該督撫提鎮酌量營
分就近發往隨營差操
一功加錄用順治初年定經制千把總及外委

千把總無職任効用官因功加至都督等銜并
副將署副將銜者以遊擊用加至叅將署叅將
遊擊署遊擊銜者以都司用加至都司署都司
守備署守備銜者以守備用○康熙十一年題
準功加各官咨部選用時原領功劄令本人赴
部親繳如不將原劄親繳者不準引

見注冊○二十四年題準功加應用遊擊都司守備
等官有因人多壅滯願降補千把總者準其降
補○雍正三年覆準功加應用都司者準以都
司守備兼用○又議準功加應用遊擊都司者

以雙月推用。應用守備者。單月雙月皆立一班推用。班次見○又議準。外委千把及無職任効用官內。有因功加至都司等銜以下。署守備銜以上者。該督撫提鎮會同考驗。分爲三等。其人材超羣。技藝純熟者。爲一等。或曾經血戰。帶有傷痕者。亦列爲一等。保題送部引。

見將加都督等銜。副將署副將銜者。以遊擊用。加叅將。署叅將。遊擊署遊擊銜者。以都司守備兼用。加都司。署都司。守備署守備銜者。以守備用。其引。

見候補之際。或令在侍衛上行走。或發巡捕營當差。或發回原營候推。由部臨時請旨。其人材技藝。雖不及保題之格。尚屬可觀者。爲二等。造冊報部。遇該省把總員闕。與兵丁輪班。以三闕之一。拔補功加。如能盡力巡防。技藝精進。許再行保題。送部引。

見仍以功加應得之官用。平常者止照把總升轉。若技藝尚須學習。營伍尚未諳練者。爲三等。均留營食糧。如學習果能諳練。堪以保題者。亦許再行保題。送部引。

見仍以功加應得之官用。可以拔補把總者。仍許咨部拔補把總。功加千總銜者。該督撫提鎮考驗。將列爲一等之人。造冊送部。與功加署守備銜。以上考驗二等者。相間拔補把總。餘均留營食糧。至功加之見任千把總。有人材超羣。技藝純熟。堪以保題者。概不論俸。保題送部引

見。即以功加應得之官用。人材技藝稍次者。千總六年俸滿。以守備補用。仍帶功加銜。把總止挨次拔補千總。人材技藝不堪錄用者。咨部注冊。○又議準。功加人員。未得授職者。該督撫提鎮。收

入標下効力。給與糧餉。即於額兵數內扣算。如差操勤慎。給以外委把總劄付。率領兵丁巡防地方。以觀後效。若身倚功加。差操懈怠。及在地方生事者。小過酌量懲治。大過報部斥革。將功劄注銷。○十一年議準。功加人員。老病不能差操者。給守糧半分。不扣小建朋銀。月支餉銀五錢。或於建曠項下動支。或於公項內動支。該督撫酌量辦理。統於年底造冊報銷。○乾隆十八年遵

旨議準。軍功議叙人員。向係按功加等次。兼銜給劄

推升時照京俸一年作年半算今兼銜既經刪
除以歸簡易凡軍功議叙之人毋庸給以虛銜
將功加等次入於劄內遇應升時均以一年作
年半較俸又守備有功加者向例原升遊擊今
按次推升都司若與尋常守備一例升轉未爲
平允嗣後都司員闕應盡守備有功加者先行
升補○十九年覆準兵丁初次立功者向係注
冊俟下次有功照把總例議叙按其等次遞算
加銜所有頂帶即照銜服用今既刪除加銜除
在標尋常操演不許照銜服用外至在軍營之

時若立有功績向例應給何項職銜者即照職
銜給與頂帶服用以示鼓勵於事竣回營之後
除功績僅得把總頂帶者該督撫提鎮照例拔
補外其有屢著功績加至千總頂帶以上者統
令陸續咨送由部引

見作何錄用候

旨遵行○又覆準向例千把總等加至署副將以上
者用遊擊加署遊擊銜以上者都司守備兼用
加署守備銜以上者用守備今既刪除加銜所
有功加等次即照此計算嗣後功加十等以上

者。照加副將以上銜之例用。功加六等以上者。照加署遊擊以上銜之例用。功加二等以上者。照加署守備以上銜之例用。一廕生改武。雍正十二年議準。廕生願改武職者。具呈吏部。咨部考驗弓馬技藝。將年力精壯者引。

見恭候

欽定選用侍衛外。其餘或交巡捕營行走學習。或交外省督撫提鎮隨營試用。俟弓馬熟嫻。營務通曉。在巡捕營者。由該統領引。

見。交部按品補用。都司按人文到部先後補用。守備衛千總。於各班之末輪用一人。守禦所千總。歸入劄班內用。在外省試用者。該督撫提鎮按品題補。給咨赴部引。

見恭候

欽定。○又議準。廕生改用武職者。在京一品尚書等官。在外總督將軍。廕生均以都司銜管都司用。在京二品侍郎等官。在外巡撫提督。廕生均以署都司銜管都司用。在京三品副都御史等官。在外總兵官。布政使。廕生均以守備銜管守備。

用。按察使。加一品銜副將廕生。均以署守備銜。管守備用。二品銜副將廕生。以守禦所千總用。小銜副將廕生。以衛千總用。○乾隆十一年議。準廕生。向有改補武職之例。如係將門之子。未諳文藝。而弓馬熟習者。具呈兵部。以武職補用。○十六年奏準。改武廕生。分發巡捕營者。由該統領引。

見。交部按品推用。至分發外省試用者。均由該督撫按品題補。原不歸部銓選。但若遇該省並無題補之闕。則錄用無階。嗣後各省學習期滿之廕。

生。如無闕。可以題補者。該督撫提鎮。給咨送部引。

見恭候

欽定。如蒙準其補用。照巡捕營改武廕生之例。歸班銓選。

一難廕守備。雍正十一年議準。難廕應用守備人員。赴部候選時。考試弓馬技藝引。

見。應以營衛守備補用之處。恭候。

欽定。如以營用者。入於雙月劄班內。與澎臺俸滿千總。相間補用。以衛用者。入於衛守備劄班內。補。

用。

一八旗世爵暨武職外用。乾隆元年議準。自山海關。至殺虎口。保德州。并古北。宣化。大同。所屬地方。均係沿邊關隘要地。副叅遊都守等官。以三分留與綠旗補用。以七分給與旗員對品補用。補用之後。五年爲滿。如果熟諳營伍。人地相宜。準該督提等。以各該員應升之官題補。其餘咨部轉咨該旗。按該員原職應升之官。先盡升補。○又議準。河屯營副將標下千總一員。把總二員。并分防喀喇河屯。龍鬚門。波羅樹。森吉圖。

各千總。大店子。馬圈子。喇嘛洞。虎什哈了頭溝。二溝。中六溝。八溝營左右司。各把總。歸八旗補用。其餘千總。悉歸河屯營民籍弁兵。及內地沿邊弁兵。內簡選拔補。○六年議準。八旗武職外用。沿邊各關於補用之後。不拘年限。如果弓馬嫻熟。諳練營伍。除以該員應升之官題補外。其餘未得題補者。統以五年爲滿。該督提出具考語。給咨送部。由部考驗引。

見。并將例有題闕之省。開單請。

旨分發。遇員闕題補。其所遺沿邊員闕。仍於在京八

旗武職內簡選調補。如有不能熟悉營伍，不宜外任者，咨部發回。各該旗仍在原處行走，以原職應升之官用。至副將內有整飭營伍，堪膺表率之任者，不拘年限，該督提出具考語保送到部註冊。將該員仍留原任，俟各省總兵官有關與綠旗營副將一體論俸開列具題恭候。

簡用。○又議準直隸山西沿邊副將以一等待衛王府長史前鋒護軍駙騎叅領步軍總尉并一品二品世爵補用叅將遊擊以二等待衛前鋒侍衛副叅領佐領步軍副尉三品世爵補用都司。

以三等待衛步軍叅尉步軍校四品世爵補用守備以藍翎侍衛五品世爵及親軍校前鋒校護軍校駙騎校補用副將分左右翼輪用叅遊都守八旗輪用均於員闕時行文領侍衛內大臣鑾儀衛火器營八旗都統前鋒護軍步軍統領等簡選三四人出具考語咨送到部考試弓馬簡選引。

見恭候。

欽定補授。○又奏準直隸內地副將叅將遊擊都司守備以三分補用旗員七分補用綠旗第一次。

員闕補用旗員第二第三補用綠旗第四補用
旗員第五第六補用綠旗第七補用旗員第八
第九第十補用綠旗其應用旗員者由部行文
該督於見任沿邊旗員內簡選熟悉營伍之人
題請調補所遺沿邊之闕仍於在京八旗武職
內簡選調補此內由沿邊調補內地之叅遊都
守遇有應升之官仍準其題補其調補內地未
經題升者仍接算前任邊俸扣滿五年該督出
具考語給咨送部引

見恭候

欽定分發各省遇員闕題補至調補內地之副將俟
有總兵官之闕亦與綠旗副將一體論俸開列
具題○又奏準巡捕三營馬蘭鎮泰寧鎮千總
并直隸山西沿邊千總將前鋒護軍與綠旗輪
流間補於八旗內務府前鋒護軍內簡選三十
五名引

見由部分發直隸十五名山西省十二名馬蘭鎮二
名泰寧鎮二名巡捕營四名將姓名掣定注冊
俟有各該處千總員闕掣補給劄赴任二年之
內如行走好熟悉營務各該處出具考語保送

由部引

見將各省守備題闕數目開列隨摺奏

聞恭候分發各省。果有技藝出眾。與各該處營伍相宜者。準其以守備題補。倘有行走怠惰。不宜營伍者。即咨送回部。仍發原處行走。將及用完之日。仍行令八旗內務府簡選引。

見○七年奏準。陝西甘肅沿邊并四川松潘鎮均地處邊陲。番夷錯雜。應分用旗員。以資彈壓。陝甘應題補之副叅遊都守共二百有九員。四川松潘應題補之副叅遊都守共十有六員。無論沿邊腹

地。第一次員闕。補用旗員。第二三四五次。補用綠旗。再有員闕。照此輪用。凡遇員闕。應以旗員補用者。按照旗分。咨取應用之人。考驗簡選。三四人引。

見恭候

欽定補授。至補授之後。如果熟諳營務。遇有應升之官。準其與綠旗人員一體簡選題補。其開列推升。亦與綠旗一體較俸升轉。倘不宜外任。即咨送回部。仍發各該旗令在原處行走。俟有該員原職應升之官。先盡補用。至陝甘二省千總百

九十有三員。四川松潘千總十有八員。第一次員闕。補用前鋒護軍第二三四五次。補用綠旗。再有員闕。照此輪用。由部行文左右二翼前鋒統領。八旗護軍統領。簡選人材壯健。弓馬嫻熟。言語明白者。每旗各保送十人。咨部考驗引。

見記名注册。遇有陝甘松潘千總員闕。應補旗員者。掣籤補用。補用之後。均照綠旗千總之例。一體六年俸滿。如有才技優長。熟悉營務者。準其不拘年限。以守備題升。其未經題升。食俸已滿者。該督照綠旗俸滿千總之例。出具考語送部引。

見恭候

欽定。倘有不能熟悉綠旗營務。不宜外任者。即咨送回部。發回各該旗。仍在原處行走。○又議準。上三旗親軍內。簡選身材壯健。弓馬嫻熟。語言明白者。每旗酌量保送一二人。送部入於八旗前鋒護軍內。公同考驗引。

見○八年奉

旨。直隸山西沿邊地方。旗員補授綠旗將備。原議如。果弓馬嫻熟。諳練營伍者。不拘年限。以應升之官。題補。其餘未得題補者。五年為滿。該督提出具考

語咨部引見發往有題闕之省。照例題補。如不能熟悉營伍。不宜外任者。咨回各該旗。仍在原處行走。近見五年俸滿。保題發往各省題補之旗員。漸多。不惟伊等不能一時得官。致有拮据之虞。於綠旗升用之途。亦恐有礙。著該部詳酌議奏。欽此。遵。

旨議準。從前所定旗員分用綠旗將備之例。原係將滿漢升途。通行籌酌。今按陝甘松潘所屬各營補用之旗員。係與綠旗一體升轉。則直隸山西沿邊補用。并直隸調補內地各旗員。均應照陝

甘松潘之例。無庸定以年限。令該督提試看。如弓馬嫻熟。諳練營伍。遇有應升之官。與綠旗一體簡選題補。如有不能熟悉營伍。不宜外任。亦不必拘定五年之限。隨時咨部。仍照原議發回各該旗。令其在原處行走。俟有原職應升之官。先盡升補。所遺沿邊之闕。仍將在京八旗武職簡選調補。其餘未得題補者。均與綠旗各官一體較俸升轉。所有五年俸滿保送之例。應請停止。○又奏準。前鋒護軍補用千總。陝甘二省并四川松潘一鎮。定以五闕補用一人。照綠旗千

總之例。六年俸滿。今將巡捕營并直隸山西亦照陝甘四川之例。五闕補用一人。則前鋒護軍補用無幾。然若與綠旗間用。則又礙綠旗進身之階。請嗣後巡捕三營及直隸山西沿邊等處并馬蘭泰寧二鎮額設千總均以三分之一補用前鋒護軍。俟有員闕。第一次補用前鋒護軍。第二第三次補用綠旗。再有員闕。照此輪用。所有原定二年保送之例。應請停止。均照例六年俸滿。出具考語保送引見。如有技藝出眾。諳練營伍者。不拘年限。遇有守備

員闕。即準題補。其行走怠惰。不宜營伍者。仍照原議。發回原處行走。其保送之千總到部引見時。恭候

欽定。或發回原任省分。或發往鄰省。以守備題補。或交巡捕營當差。其人材勞績不稱。題補之選者。不必隨營候推。亦留旗在原處行走。仍給與千總頂帶。遇有簡選升用之處。與應升之人一體簡選升用。○又奏準。陝甘二省及四川松潘一鎮。應題副叅遊都守。並直隸山西沿邊各官。分用旗員。原以邊疆緊要。滿洲人材衆多。弓馬素

嫻以之分任。可以表率弁兵。整飭營伍。方於邊疆有益。近見各處有將年力就衰。及年少世爵。不宜外任之人保送。驗其弓馬。並非出眾。殊失邊疆期於得人之意。嗣後凡遇咨取應用人員。務須詳慎簡選。將年力精壯。弓馬優嫻者。秉公保送。如實在無人。即聲明咨覆。若各處均無人可送。及所送之人皆不堪用。即將其次應用旗分咨取簡選引。

見。倘各處保送人員內。由部考驗人材。弓馬僅可選取一人。不便引。

見。即咨取其。次應用旗分人員。一并簡選三四人引。

見。如應取鑲黃旗人員。只選一人。即咨取其。次應用之正黃旗。一并簡選三四人引。

見。若蒙

皇上將鑲黃旗人員補授。再有員闕。仍將正黃旗取用。若將正黃旗人員補授。再有員闕。鑲黃正黃二旗均停其咨取。即將挨次應用之正白旗人員簡選引。

見。補授其餘旗分。照此辦理。○九年奏準。直隸山西陝甘松潘各關分用旗員。原議專用滿洲。並無

兼用蒙古之例。但滿洲兼入蒙古旗分人員。因其原屬滿洲。準其一體簡選。而蒙古兼入滿洲旗分人員。見在已分隸滿洲旗分。均在滿洲分內升轉。乃補授沿邊各關。不得與滿洲一體簡選。殊未畫一。嗣後應與滿洲人員一體簡選。調補。○又奏準。各省預保千總。為數無幾。候補守備人多。應將分用旗員之陝甘二省及四川松潘一鎮。應題守備。除第一次員闕。照例分用旗員外。其第二次。掣用預保千總。第三四五次。在於候補人員內簡選題補。至川省並未分用旗

員之標協營。如有應題守備員闕。以第一次歸預保千總掣補。第二三四次歸候補人員題補。再有員闕。皆照此輪用。○十年奏準。鷹房狗房。鶻房三處。一二品廕生。騎都尉。兼入各執事行走者。以都司補用。三品廕生。藍翎侍衛。雲騎尉。并候補職官。及有頂帶人員。選入各執事行走。見食俸祿者。以守備補用。閑散及驍騎等。選補各執事。見食錢糧者。按其差使。與前鋒護軍相等。以千總補用。直隸山西沿邊補用旗員。係分定地方。按照旗分挨次補用。陝甘松潘。係以題

闕五分之一分用旗員。按照旗分輪流補用。其都司守備員闕。遇有分用旗員者。行文鷹房狗房。鷓房三處。按照咨取旗分。將行走已過五年人去得者。公同簡選一人。出具考語。保送赴部。與各處送到人員。一同考驗簡選引。

見請

旨補授至應用千總之人。由部照護軍前鋒補用千總之例。行文三處。將行走已過五年人去得者。不拘人數。簡選出具考語。保送到部。考驗引。

見奉

旨準其注冊後。歸入八旗滿洲。見用千總前鋒護軍之內。一體按照旗分。遇有員闕。係分用前鋒護軍者。公同掣籤補用。○十三年奉

旨。京師護軍叅領護軍校護軍內。有曾經出師。并騎射好者。簡選補授綠旗各官。其圓明園護軍叅領護軍校護軍等。非京城經制官兵。是以並未與選。但此內既有可以選用之人。且差務較前有增。看來皆可罷免將事。應照京城一體簡選補授。以示鼓勵。嗣後簡選補授綠旗各官時。入於京城各該旗。會同圓明園大臣等一體簡選。○又奏準

前鋒護軍補用千總六年俸滿應行保送之人。如果材技優長堪膺保題者。遇有守備員闕。即準題補。其才力技藝雖堪保題。尚覺稍次者。保送來京。隨到隨令軍機大臣會部再加考驗。擇其實堪升用者引。

見。或發回原省及鄰省以守備題補。或交巡捕營當差。或仍令回旗於原處行走。均候。

欽定。其不中選者。毋庸引。

見。以守備銜回旗於原處行走。按年滿日期候推。至材技均屬平常者。不必送部引。

見。給與千總職銜。咨回該旗於原處行走。○十四年奏準。

靜宜園之健銳營。叅領護軍校內。除本營應升外。若有可以應升外省者。歸入京城各該旗會同健銳營大臣一體簡選。○十五年奉。

旨。朕前降旨沿邊及直隸地方營協。叅用八旗滿洲人員。原因旗員弓馬素優。人材驍勁。習於勞苦。整頓營伍。是其所長。是以令其分班補用。今行之數年。邊方營伍漸次整飭。而旗員之於外任相宜者。亦悉經擢用。嗣後綠營分用旗員者。自都司以上。

應稍爲裁減。俾得其平。兵部再行詳悉定議具奏。
欽此。遵

旨議奏。直隸山西二省沿邊都司以上。三七分用旗員者。酌減一分。以六分補用旗員。四分補用綠旗。陝甘二省四川松潘鎮都司以上。五分之一分用旗員者。改爲六分之一。以第一次員闕補用旗員。第二三四五六次補用綠旗。再有員闕。

照此輪用。奉

旨。直隸山西沿邊地方都司以上員闕。著以五分補用旗員。五分補用綠營官員。餘依議。欽此。○又

諭。朕前因綠旗營伍廢弛。兵力軟弱。皆由將弁不能約束訓練所致。是以分用旗員以資鈐轄。邇來因簡用過多。業將遊擊以下量加酌減。今觀侍衛協領叅領內。才具稍優者。皆已陸續外用。副叅等闕。仍屬過多。旗員內漸少出色之人。而綠旗員闕。亦未免稍偏。朕因材器使。內外原屬一體。但隨時委用。輕重務在合宜。自應量爲調劑。且向來旗員內任者。即藍翎侍衛。亦皆以爲榮。初無欣羨外任之意。若樂於外任。可以偷安。且多得俸薪。則所見卑鄙已甚。滿洲淳朴之風。當不出此。總之操縱在朕。

向之多用綠旗不可嘆向隅今之簡用滿洲不可嘆阻塗所有分闕簡用之處該部再行定議具奏
欽此遵

旨議準直隸沿邊副將四員以三用綠旗一用旗員
山西沿邊叅將十有一員以七用綠旗四用旗
員直隸內地由部推補之副叅向係十闕之內
將見任沿邊旗員調補三人以七歸部推補今
副叅員闕第一次員闕用沿邊旗員調補第二
三四五次歸部推補陝甘二省四川松潘鎮副
將等員闕原係五分之一補用旗員業經改爲

六分之一今再酌減一分第一次員闕補用旗
員第二三四五六七次補用綠旗再有員闕照
此輪用至千總員闕除巡捕營并馬蘭泰寧二
鎮仍照例以前鋒護軍補用外其陝甘松潘千
總員闕槩用綠旗停其以前鋒護軍補用○又
議準直隸張家口副將昌平營叅將提標右營
遵化營喜峯口宣化鎮標右營各遊擊石塘路
居庸路鞏華城山永協左營山海路石門路建
昌路潘家口柴溝營懷安城龍門路滴水崖蔚
州西城長安嶺各都司提標中營前營黃花路

湯泉營山永協右營。三屯協右營。宣化鎮中營。張家口中軍。張家口左營。獨石口右營。萬全營。膳房堡。新河堡。洗馬林堡。西陽堡。鎮安堡。龍門所。東城。礮山堡。懷來城。周四溝堡。四海冶堡。岔道城。左衛城。各守備。均以旗員調補。○又議準山西殺虎口副將。新平路助馬路。偏關營。河保營。各叅將。大同鎮標中營。右營。各遊擊。天城。高山。渾源。忻州。靖遠營。朔平。朔州。鎮西。保德。各都司。大同鎮標中營。左營。右營。前營。北樓。小石口。應州。平魯。寧武。殺虎協。右營。各守備。均以旗員

調補。○十七年奏準。俸滿到部之滿千總。會同軍機大臣。簡選實堪升用之人引

見。其不中選者。發回該旗以守備候推。惟是此項人員。因千總年滿回京。簡選不堪外用。今回原處當差。今若仍以守備推用。不惟得官無期。而以此不堪外用之人。復推用守備。似未允協。嗣後滿千總俸滿到部。仍照原議。會同軍機大臣考驗。有才技實堪升用者。引

見恭候

欽定。其不中選者。即咨回該旗當差。不必歸班選用。

遇有驍騎校護軍校等官員闕令該管大臣與應升之人一體簡選酌量補用○十八年奉

旨從前將八旗滿洲人員選用外省文武等官其蒙古旗人分用部院者員闕本少是以外任未經議及朕思滿洲蒙古均屬一體伊等外任分闕銓用亦宜量予疏通見在滿司官升用道府既經暫行停止其文職同知以下著將蒙古人員與滿洲一體簡選引見選用武職副將以下著就滿洲應得闕內酌予十分之二其作何分班輪選仍著該部定議具奏欽此遵

旨議準直隸山西沿邊及陝甘松潘應用旗員之副叅遊都守員闕於用滿洲四人之後用蒙古一人均照滿洲之例按翼按旗輪次咨取至應用千總員闕於八旗蒙古所屬親軍前鋒護軍每旗各保送四五人送部考驗簡選引

見記名亦俟滿洲補用四人之後掣補蒙古一人○又奏準鷹房狗房鶻房滿洲各執事人外用沿邊千總之例停止

一漢世爵外用

國初定漢官得世爵者不必注衛籍取具本籍文

結支派宗圖給與

敕書○雍正八年議準伯子男以副將用輕車都尉以叅將用騎都尉兼一雲騎尉以遊擊用騎都尉以都司用雲騎尉以守備用凡年及二十以上者該督撫給咨送部引

見或留京學習或分與督撫提鎮標下學習効力三年。如果弓馬嫻熟諳練營伍該管大員出具考語具題按其品級以應得之官補用倘不用心學習行走懶惰該管大員奏明令其回籍如行止卑污題叅革退將應襲之人別請承襲

一提塘錄用康熙六十一年議準各省提塘員闕限部文到日該督撫即行簡選合例人員送部頂補如不速行簡選將督撫題叅照遲延事件例議處如簡選之人領文不即赴部在路逗遛者亦照赴部違限例議處○雍正六年議準各省提塘令該督撫於本省武進士及候補候選守備內簡選身家殷實小心勤謹之人取具地方官印結申送考驗咨部頂補三年期滿如果勤勞無過由部注冊照本班即用如怠惰偷安貽誤塘務將該提塘斥革如將應密事件預

通信息及恐嚇詐騙者。交刑部按律治罪。其出結申送之該地方官。照濫舉匪人例議處。督撫照失察例議處。○乾隆五年奏準。各省提塘。將屆期滿。於十月以前。即行文該督撫預行簡選。合例人員。按照定限。送部頂補。○六年奏準。武進士充補提塘。三年期滿。歸於効力班下。按年滿日期。科分名次推用。但分別營衛之條。尚未畫一。有未經簡選。至充補提塘期滿。即照中式名次前一半以營用。後一半以衛用者。有已經簡選。即按簡選等次。定其營衛推用者。按提塘

既由武進士充補。期滿之後。與武進士同一推用。守備。其分別營衛之處。應照武進士簡選之例。畫一辦理。嗣後武進士充補提塘。三年期滿。如有未經簡選者。不準歸班。由部照例簡選。分別一二三等。以營衛推用。均歸入効力班下。仍按期滿先後。科分名次推用。

一材官錄用。原定本部額設材官四十名。武舉有情願効力者。具呈充補。飛遞馬上公文本報。○雍正十二年議準。額設材官四十名內。裁汰二十名。○乾隆五年議準。材官二十名。於武舉

內取用。三年期滿。本部考驗弓馬一等者。引見恭候。

欽定。以營衛守備分別補用。次等者。以守禦所千總。注冊候推。其弓馬生疎。人材不及者。停其推用。仍令學習。下次再行考驗。三次不到者。除名。○七年奏準。簡選一二等武進士。情願充材官。効勞者。照武舉一體當差。三年期滿。歸入効勞班選用。如武進士武舉。同日期滿。令其掣籤選用。如武進士。內同日期滿。照從前簡選。年分等第。名次選用。

一拔補千把總。康熙十一年定。營千總員闕。該將軍督撫提鎮。於把總內簡選。把總員闕。於在營食糧兵丁內簡選。均將才技優長。弓馬嫻熟者。拔補咨部請劄。如未經受劄者。止稱委署千把總。○三十年議準。巡捕營千總員闕。以把總拔補。把總員闕。以兵丁拔補。如有應用千把人員。亦準拔補。○雍正五年議準。本營兵。不準拔補本營千把總。其將軍督撫提鎮標下。如中左右前後營。準其互調拔補。或各標協營同城者。亦準其互調拔補。至於獨營地方。千總有左

哨右哨之分。把總有頭司二司之別。準其隨地酌量拔補。如無鄰近營汛。即於本營左哨右哨及頭司二司內彼此互調拔補。○六年議準。兵丁熟練水務者。但能步箭合式。於藤牌大刀內兼精一藝。即準拔補水師把總。拔補之後。令其演習騎射。再拔補千總。其騎射不能。水務又不熟練者。隨時咨汰。若騎射雖屬平常。果深通水務。該督撫提鎮咨部記名。專以水師營補用。○七年議準。直省將軍督撫提鎮拔補經制千把總。咨報到部。與定例相符者。按月一本彙題。請

旨給與劄付。令其任事。○八年議準。把總食俸已過三年。果係騎射兼優。人材出眾。任內並無盜案疎防叅罰。止有承追降職降俸之案。未經開復。該將軍督撫提鎮於拔補文內聲明。由部察覈彙題。準其拔補千總。仍將降職降俸之案帶於新任。○十三年議準。直省各鎮協營。不待把總員闕。先將外委兵內。每營選擇數名。或於請餉公事。或隨將備調考之便。呈送將軍督撫考驗。將合式者記名。俟有把總員闕。先盡本營所送之人。考驗拔補。應調拔者。照例調拔。如所送之

人不堪拔補該將軍督提即於記名人內擇其
等次最優營分附近者指名調考拔補仍令該
管官於歲底將記名之人造冊報部倘有行止
更改弓馬生疎者據實呈報該將軍督提將記
名注銷如記名之人將近用完再令各營呈送
考驗該將軍督提每年將考驗記名之姓名開
造履歷事蹟清冊報部○乾隆六年奏準千把
總緣事斥革者即令離營原劄繳部塗銷存案
○又奏準將軍督撫提鎮將部冊無名未食糧
之人拔補把總者照狗情例降三級調用若係

該管官詳報將軍督撫提鎮拔補者將該管官
降三級調用將軍督撫提鎮罰俸一年○又奏
準直隸馬蘭泰寧二鎮千把員闕該督將應用
千把之人擬定正陪咨部引

見補授

一錄用俸滿千總順治初年定千總六年俸滿
咨部時將原領劄付令本人隨帶赴部親繳如
不將原劄親帶赴繳者不準注冊引

見○雍正六年議準河營千總六年俸滿如有熟悉
樁埽勤敏盡職者該督咨部留工効力遇守備

員闕與見任千總一體簡選題補○七年奉旨咨部注冊不行保送之年滿千總有情願來京引見者自赴兵部報名該部考試簡選其平常者仍行注冊技勇可用者列名具奏請旨引見○十二年議準千總俸滿如有盜案叅處及別項降職降俸等案未經開復該將軍督撫提鎮詳加考驗如係平常之人勒令休致若人材弓馬可觀者出具考語保送於文內將降罰之案詳悉聲明由部引見如別行補用將降罰之案帶於新任三年無過開復

○乾隆三年奏準千總俸滿除不堪保送者咨部作闕外凡係保送者詳加察覈出具切實考語如弓馬人材實在可觀及有効力實蹟者方準保送其雖無勞蹟而弓馬人材可觀又諳練營伍者亦準保送該弁到部由部復加考試如人材弓馬不堪並無勞蹟者即行駁回不準引見其引

見者將本省鄰省有無在外題補之闕於名簽上注明如奉旨發回本省并發往別省題補者該督撫提鎮遵

旨題補如交巡捕營當差者歸於應得之班選用注冊候推者仍發回本省給與馬兵糧隨營差操
按引

見奉

旨日期先後歸入本班挨次推用除陸續題補推補外若過三年後尚未題補推補者該督撫提鎮再加甄別果係弓馬純熟營務諳練并從前有効力實蹟材尚可用者仍留標候題候推如弓馬漸次生疎差操漸次懈惰又並無前勞可念者即咨部注冊令其回籍○七年

諭近年以來外省保送年滿千總似覺過多一時不能得用未免轉致壅滯著各省督撫提鎮於保送時留心簡擇如果材技優長及有軍功勞績者方準咨部引見毋得濫行保送欽此○又

諭武弁中守備一官乃將帥之臂指千把之表率非平庸之人所能勝任各省有分發候補守備之年滿千總該督撫自必先盡材技可觀者題請補用若弓馬人材不及之員守候日久年力愈衰技勇日退及得官之後於營伍操防何能收其實用非振飭戎行之道著各省督撫提鎮將見今分發候

補守備之年滿千總秉公甄別除年力壯盛材技可觀者仍留候補外其弓馬人材平常年力漸衰者皆準其原品休致則強銳者既得及時授官而衰庸者亦免於守候嗣後三年舉行一次所留候補之人著於支食千總俸銀外加給步兵糧以資其食用至保送年滿千總務將人材壯健可以造就及實曾出力者舉出寧闕毋濫不得姑息庶不致升塗壅滯亦可收得人之效矣欽此○十年奏準各省俸滿千總該督撫提鎮保送者十居八九咨部注册者無幾不過以該弁在營日久並

無過愆曲示優容以致保送過多不但隨營食餉多占兵額且使候補候選之人一並壅滯人材亦恐漸致廢棄嗣後俸滿千總除人材弓馬可觀著有勞績者仍照例保送外其雖無勞績而人材弓馬可觀者務須詳加考覈酌定人數每十人內保送不得過二三人至於人材弓馬均屬平常即咨部注册槩不得濫保如將實非出眾之人多送由部於考驗時照例駁回至年滿千總內發回本省題補并注册候推未經得用者如遇三年甄別秉公考驗其有年力就衰

弓馬生疎者即勒令離營報部○又議準發回本省以守備題補之年滿千總定例以本省應題補之守備題補其未經題補者例由該督撫提鎮出具考語造冊送部歸於雙單月分發班內銓選但每年分發班內不過選用二三人除有在外應題守備之省發回年滿千總尚有題補之期無庸置議外惟山西河南江西三省向無在外應題之守備該弁等在本省守候既無可題補若令盡行造冊送部與各省年滿千總挨次推用則守候仍屬需時請嗣後山西河南

江西三省部推守備如有五闕以第一二三四闕歸部銓選第五闕行令該督撫將發回以守備題補之年滿千總題請補授週而復始如係本省之人照例題補隔府別營仍於本內聲明若所出闕與候補之人繁簡不甚相宜或定例應行迴避者準其於別營通融調補此等人員如從前已經造冊送部銓選者仍準其題補其未經題補者亦準其造冊送部銓選未及題選之時如遇三年甄別秉公考驗其有年力就衰弓馬生疎即令離營○十一年奏準各省水師

千總俸滿送部引

見者發回本省以水師守備題補但外海水師守備例應題補者尚多皆得陸續題補惟內河水師守備各省額設無多如江南浙江廣東等省尚有在外題補之水師守備候補之人不致補用無期至湖廣並無內河水師守備應題補者候補水師守備雖有候補之名終無題補之路江西省亦無在外應題補之水師守備見有額設水師千總將來俸滿保送發回候補亦屬無可題補按陸路年滿千總發回本省題補者如題

闕無多及並無題闕之省準令該督撫提鎮出具考語造冊送部銓選請將並無題闕之省所有發回題補之水師年滿千總照陸路之例令該督撫提鎮詳加考驗出具考語造冊送部注冊遇有內河水師部推守備員闕以水師藍翎侍衛與水師年滿千總輪班選用○十四年奏準發回本省題補之千總有因該省本無在外題補之闕及雖有無多者補用無期是以令各該督撫提鎮出具考語造冊送部歸班銓選掣籤後行文調取引

見但隨營候推之千總銓選得官例不調取引
見至發回本省以守備題補者於題補時亦不送部

今遇部推復調取引

見例不畫一嗣後於部推之後照例具題俟奉
旨給發劄付令其赴任免其調取引

見○十七年奉

旨嗣後引見之福建廣東廣西雲南貴州等五省年
滿千總留巡捕營當差者將伊等有無親老及別
情不能遠離之處爾部詢問如有不能遠離情節
仍發回本省照例補用○十八年奉

旨各省六年俸滿千總經保送引見者分發本省鄰
省以守備題補其發回本省隨營候推之員逐年
積累人數甚夥雖有三年再加甄別之例率皆視
爲具文多有以守候壅滯爲言者使但嚴其甄別
而不稍爲疏通亦無以示鼓勵嗣後候推之人屆
三年甄別之期該督撫提鎮各宜實力奉行不得
姑息濫竽其有實在行走勤勞人材出衆者準其
再行保舉引見交部即用若原應題補而非實在
出色年力又未至衰老者即咨部降爲候推至候
推之人內有應拔置題補者亦準其保送引見其

不在保送之例而人材尚屬可留者仍令隨營候
推衰庸怠惰者咨部休致應如何酌定班次錄用
之處該部定議具奏欽此遵

旨議準嗣後候補候推之年滿千總每屆三年詳加
甄別其原應題補而非實在出色者即降為候
推原係候推而實在衰庸懶惰者即咨部休致
如候補候推兩項內有行走勤勞材藝出眾者
於三年甄別時保舉送部引

見將原應題補者改為即用於單月選兩闕後輪用
一人原係候推者拔置題補令該督撫提鎮遇
有員闕酌量題補至原應題補降為候推者歸
入候推千總應用班內較其從前奉

旨日期如同日奉

旨較其俸滿日期先後選用

一營兵外委千把總雍正五年議準各營之中
凡額兵二百名許外委把總一名額兵四百名
許外委千總一名均於馬步兵丁內考驗操防
勤慎及人材弓馬好者秉公選擇造冊報部○
六年議準外委千把總於額兵數內拔補給與
八品頂帶令其同經制千把總辦理汛務如遇

經制把總員闕簡選拔補○十二年議準各標
協營考拔外委之時照經制千把總之例與同
城互調拔補不得以本營兵丁拔補本營外委
至於獨營地方無鄰近營汛可以互調者即於
本營左哨右哨頭司二司內彼此互調拔補○
十三年議準將軍督撫提鎮有將營外之人濫
給委牌者照狗庇例議處○又議準直省援剿
營之外委有未照防守營之外委分撥哨司辦
理汛務者均照經制千把例分撥哨司令其管
轄汛兵操防巡緝如遇疎防失事以及兵丁生

事擾民約束不嚴等案該將軍督撫提鎮將該
弁隨經制千把總一例叅處

Large stylized watermark characters, likely '國書' (National Library).



